

ვიქტორია და ნიაგარა

შენი აზრით, რით შეიძლება განსხვავდებოდეს ერთმანეთისაგან ჩანჩქერები: ვიქტორია და ნიაგარა? ნაიკითხე ტექსტი და შეამოწმე შენი ვარაუდი.



ვიქტორია და ნიაგარა ულამაზესი ჩანჩქერებია.

ვიქტორია არა მარტო ლამაზი, არამედ ერთ-ერთი უდიდესი ჩანჩქერია. ის აფრიკაშია, მდინარე ზამბეზზე. ვიქტორია ორი ქვეყნის, ზამბიისა და ზიმბაბვეს, საზღვარზეა. მას ინგლისის დედოფლის სახელი ჰქვია.

ვიქტორია სიგანეში 1708 მეტრია და 108 მეტრი სიმაღლიდან ვარდება. ვარდნის ხმა თითქმის 40 კმ-ზე ისმის. წყლის ვარდნის დროს 400 მეტრი სიგანის ნისლი ჩნდება. წყლის შხეფები 50 კმ-იდანაც კი ჩანს. ეს სანახაობა შორიდან კვამლს ჰგავს. სწორედ ამიტომ ეძახიან აფრიკელები ჩანჩქერს „მგრგვინავ (ხმაურიან) კვამლს“. ჩანჩქერის წყლის ნვეთები არაერთ ცისარტყელას ქმნის. ყველაზე საოცარი

ის არის, რომ ცისარტყელა ზოგჯერ ლამითაც ჩანს.

აფრიკის ამ საოცრებას ყოველწელს ასიათასობით უცხოელი ტურისტი სტუმრობს.

ჩანჩქერი ნიაგარაც ორი ქვეყნის, აშშ-ისა და კანადის, საზღვარზეა. მისი ერთი ნაწილი კანადის მხარეს მდებარეობს. აქ წყალი 53 მეტრი სიმაღლიდან ვარდება. იგი სიგანით 700 მეტრია. მეორე ნაწილი ამერიკის მხარესაა. მისი სიმაღლე 21-30 მეტრია, სიგანე – 323 მეტრი.

ნიაგარის სანახავად ყოველწელს უამრავი ტურისტი ჩადის ამერიკაში. ლამით ჩანჩქერს სხვადასხვა ფერის პროექტორებით ანათებენ. ეს ძალიან ლამაზია.



შენი აზრით, რატომ მოსწონთ ჩანჩქერები ადამიანებს?

▶▶▶ ტექსტის გაგება

ყოველ შეკითხვას შეურჩიე თითო სწორი პასუხი.

1 ვიქტორია და ნიაგარა:

- ა) ერთსა და იმავე ქვეყანაშია.
- ბ) შხეფებით ცისარტყელას ქმნის.
- გ) ორი ქვეყნის საზღვარზეა.

2 ტექსტში მოცემული ინფორმაციიდან ჩანს, რომ ვიქტორია:

- ა) უფრო განიერი ჩანჩქერია.
- ბ) უფრო საშიში ჩანჩქერია.
- გ) უფრო ძველი ჩანჩქერია.

3 ნიაგარა ლამითაც ძალიან ლამაზია, რადგან:

- ა) წყალს ფერადი პროექტორები ანათებს.
- ბ) წყლის შხეფები შორიდან კვამლს ჰგავს.
- გ) წყლის წვეთები ქმნის ცისარტყელას.

4 ტექსტში არ ჩანს, თუ:

- ა) რატომ ეძახიან ვიქტორიას „მგრგვინავ კვამლს“.
- ბ) რატომ ჰქვია ვიქტორიას დედოფლის სახელი.
- გ) რატომ მოსწონთ ტურისტებს ნიაგარა და ვიქტორია.

5 ტექსტის მთავარი მიზანია:

- ა) გაგვაცნოს, რას ეძახიან აფრიკელები ვიქტორიას.
- ბ) დაგვანახოს ორ ჩანჩქერს შორის მსგავსება-განსხვავება.
- გ) შეადაროს ერთმანეთს ჩანჩქერები მხოლოდ ზომის მიხედვით.

▶▶▶ ლექსიკა

1 გაარკვიე ხაზგასმული სიტყვების მნიშვნელობები.

1. ჩანჩქერი არის წყალი:

- ა) რომელიც სიმალიდან ვარდება.
- ბ) რომელიც ქმნის ცისარტყელას.
- გ) რომელიც ძალიან სწრაფად მიედინება.

2. ცისარტყელა არის:

- ა) აქეთ-იქით გაბნეული წყლის წვეთები.
- ბ) შვიდფერი რკალი ცაზე.
- გ) ჰაერში დამდგარი ორთქლი.

2. ხაზს, რომელიც ორ ადგილს ყოფს ერთმანეთისგან, ჰქვია:

- ა) გზა. ბ) საზღვარი. გ) სანაპირო.

3. ჰაერში დამდგარი ნაცრისფერი ორთქლი არის:

- ა) კვამლი. ბ) ნისლი. გ) შხეფი.

▶▶▶ გრამატიკა

1 რომელი სიტყვებია გამოტოვებული?

1. აფრიკელები ----- „ხმაურიან კვამლს“ ეძახიან.

- ა) ჩანჩქერი. ბ) ჩანჩქერმა. გ) ჩანჩქერს.

2. ჩანჩქერს სხვადასხვა ----- პროექტორებით ანათებენ.

- ა) ფერი. ბ) ფერის. გ) ფერს.

2 სწორად შეარჩიე გამოტოვებული სიტყვა.

წყალი 53 მეტრი ----- ვარდება. (სიმალიდან/სიმალიდან)

3 დაასრულე ხაზგასმული სიტყვა.

ვიქტორია არის მდინარე ზამბეზი....

გრამატიკა**4** რომელია სწორი?

1. ა) ქვეყანის.

ბ) ქვეყნის.

2. ა) სხვადასხვა ფერები.

ბ) სხვადასხვა ფერი.

5 დაწერე ნიმუშის მიხედვით.*ნიმუში: ლამაზი – ულამაზესი (ყველაზე ლამაზი).*

1. დიდი –


2. ღრმა –

წერა**1** შეავსე ვენის დიაგრამა. დაწერე, რით ჰგავს ვიქტორია და ნიაგარა ერთმანეთს და რით განსხვავდება.

ვიქტორია

საერთო

ნიაგარა

**2** წარმოიდგინე, რომ შეგიძლია ნახო ერთ-ერთი ჩანჩქერი. დაწერე რომელს აირჩევდი და რატომ?
